

ZEFANIYA

Lushi l'Ududu wa Latuyalaka

1 Diui dia Latuyalaka diakayi le Zefaniya, on'a Kushi, on'a Ngedaliya, on'a Amariya, on'a Hezekiya, lu nshi ya Josiya, on'a Amona, khum'ekanga ka Juda. 2 Dimi layulanya diango tshe Dieli ladiku dia kete, mbata Latuyalaka. 3 Dimi layudiaka antu la nyama, Fudu ya l'ulungu la nsi ya l'ashi a waki. Dimi layulanya antu wa kolo. Dimi layushila antu tshe Weli ladiku dia kete ushiki, mbata Latuyalaka. 4 Dimi layusimbula lunya lami dia ndo la Juda, Ndu dia ndo la asi Jerusalem tshe. Dimi layushila atshikadi wa Bala ushiki uma lu dihuli ne, Ndu layunya lukumbu l'elombedi, atemodi wa dikishi. 5 Ee, layushila waku watotemolaka Ului wa diango dia l'ulungu l'ete wa mvudu, Waku watotemolaka, watutshibaka le Latuyalaka, Ndu watutshibaka Milikome, 6 Waku wakakadimo uma le Latuyalaka, Waki kunyanga Latuyalaka kuyanga mbumbula ushiki. 7 Uyali ki la ntundu ka Khumadiondo Latuyalaka, Ne dia lushi landi laya suki. Latuyalaka akalongosola ulambu, Ndi akakidia wane wakandeti l'ulambu. 8 Lu lushi l'ulambu wa Latuyalaka, Dimi layusuya ewandji la ana apami wa khum'ekanga, Ndu wane tshe wolotshi eloto w'asi wedja. 9 Lushi lako, dimi layusuya wane tshe watulimboka ladiku di'ukingo, La waku watuludiaka luudu la khumewo too la akambu wa ngala la lukesu.

10 Latuyalaka kata ati: Lushi lako, tukuku tayukema uma la suku dia Nsi, Alelu uma lu leke lukina, la lundju la wulu uma l'akuna. 11 Nyuleli nyu asi Etuli; Ne dia ambetshetshi w'ukanda kema ntu, Wane tshe watembaka fesa wambushila ushiki. 12 Lushi lako, dimi layuyangiyangia Jerusalem la atala. Dimi layusuya antu wudjashi l'atei w'engenonogeno awo, Watutaka l'etema awo vati: Latuyalaka hutsha ololo kana kolo. 13 Ekundji awo wayuyala diango dia dimbu, Mvudu yawo yayuyala elanyelu ketu. Vo wayuhika mvudu, keli hawudjase loko. Vo wayune ekodi wa vinyo lu dikambo, Keli hawono ashi awo

w'elua. 14 Lushi la wuki la Latuyalaka laya suki, Lo lambusukana, lo layuya esadi. Lushi la Latuyalaka lambukukia diui dialo. Ahuka wambuda tukuku ta wulu. 15 Lushi lako, layuyala lushi l'ududu, Lushi l'ohenyohenyo la asui, Lushi la dihandju la elanyelu, Lushi la udjima la lutshukutshuku, Lushi la wangi la udjima a tshududu, 16 Lushi la amama la tukuku ta ta, Dia ndo la esumba a wulu, ndu la tangelu di'etali. 17 Dimi layela asui le antu Dia vo nkendakenda uku akanga a tutshungu, Ne dia wakantshela, dimi Latuyalaka, kolo. Dikila diawo diayutshulwama uku ditshu, La emunyi awo uku tumi. 18 Fesa yawo kuyanga paunyi yawo: hayeya mbashimbela Lu lushi l'ududu la Latuyalaka. Keli kete tshe yayutshumbama la dja ya kandjema kandi, Ne dia ndi ayukumia ekumelu ka woma Le waku tshe watudjaseka la kete.

Dianyelu Dia Wedja wa l'Utshimba

2 Nyu wudja waha la sonyi, Nyuyasanganya kame, nyusangani kame, 2 Ntundu nyu nyatatshanyema Uku fufudi yatufumbobumboka; Ntundu ududu wa Latuyalaka watayi le nyu; Ntundu ka lushi la Latuyalaka latayi le nyu. 3 Nyuyangi Latuyalaka, Nyu, akanga a memakana tshe wa la kete, Nyu wane watulamaka adjangu andi. Nyuyangi akambu w'ololo, nyuyangi memakana. Undu, nyu mbeyaka mpanda lu lushi la kele ka Latuyalaka. 4 Ngaza ayutshikala hwe, Ashikelona ayuyala tongo tu, Ashidode wayutshanyema unya w'ote, Ekerona ayuhikwama.

5 Mananu kayali le wane wudjashi l'umamu w'ashi a waki, Nyu wudja w'asi Kerete! Diui dia Latuyalaka diambuya lu dikambo dianyulu, Nyu asi Kanan, kete y'asi Filistiya. Dimi layunyulanya diaha nduku untu ndjala leko. 6 Umamu w'ashi a waki wayuyala ahuli wa ndesha dungalunga, Tutumbutumbu t'alami w'ekoko La kumbu ya nyimba ya dungalunga. 7 Umamu wayuyala wa atshikadi wa lu khumbu ka Juda. Vo wayuleshaka dungalunga diawo

Ileko. Vo wayetamaka la dikolo lu mvudu ya Ashikelona, Ne dia Latuyalaka, Unyashungu awo, ayâkendela, Ayâkaluya engonyi awo. 8 Dimi lakuki teng'o y'asi Moaba, La dionyo di'asi Amona diakawonyolaka wudja ami, Ndu uku akawayasemaka dia ndosha kete yawo. 9 Diako mbata Latuyalaka Kanga lulimbilimbi, Unyashungu wa Isariyele, ati: Uku wemi la lumu! Moaba ayuyala uku Sodoma, La asi Amona uku Ngomora. Kete yakakiti atende la afuku wa leho, ndu elanyelu ka pundju. Atshikadi wa wudja ami wayâkita. 10 Dikambu so diayuyala le wo, uma lu utaku awo, Ne dia vo wakonyola ndu wakasemela Wudja wa Latuyalaka Kanga lulimbilimbi. 11 Latuyalaka ayuyala engo ka woma le wo, Ne dia ndi ayuvusha ditemolatemola tshe dia la kete ndjala. Ku antu tshe wayôtemola untu l'untu uma lu dihuli diandi, Ndu wa lu asenga tshe wa wedja.

12 Ndu nyu, asi Etiyopiya, Nyayudiakema la yombo yami.

13 Ndi ayusimbula lunya landi Dia ndosha wa lu leke la ngel'a kushi, ayulanya Asuriya. Ndi ayete Niniva tongo tu, ndu ufumbu uku usui wa shenga. 14 Nyimba ya dungalunga yayetama l'atei awo, Nyama tshe ya l'usui. Kumbaka la biku wayudjase lu ete wa dikoho diawo. Tsheteketi yayulela lu adidishi; Dingwangwa diayulela l'ekingo wa suku, Ne dia vo wayokenenadia elimu Wakatshama la etamba a woto l'andja. 15 Vo weli usumba w'ongenongeno, wakatalalaka antu ulalalala, Wakataka l'etema awo vati: Shu ane, nduku antu wedimi la su! Ndi wuhu wambuwuyala tongo tu, Dihuli dia nyama mbetama loko li! Untu tshe layeta lasuki la wo, ayotshodia, ayuhuma shole.

Kolo la Eshimbamelu ka Jerusalema

3 Mananu kayayi le usumba w'uhedia, ndu wambusana! Le usumba uku watusuyanyaka! 2 Vo kunkitanyia diui, kumbetawo wetshelu, Kombekama le Latuyalaka, kunsukana le Unyashungu awo. 3 Ewandji weli l'atei awo weko tambwe yadikita. Embadi awo weli ndjaundu ya dikolo, Yahatutshikaka nduku engo edja ndu la pindju. 4 Amvutshi awo weli antu watusadisadi ndu antu wa lukesu. Elombedi awo wakasuwula etemwelo, wakalanya elembe. 5 Latuyalaka eko ololo l'atei awo, ndi hutsha kolo. Pindju tshe, ndi atelaka sambu kandi k'ololo, Ndi hatuhekoka la ksekese. Keli untu a kolo hateyaka sonyi.

6 Dimi lakashili wedja ushiki, tangelu diawo diakalanyema. Dimi lakalanya esese awo, wuhu waheyi untu mbeta leko. Esumba awo wakalanyema, wuhu waheyi untu ndjala leko, Wuhu waheyi untu mbidjase leko. 7 Dimi lakati nti: Dikambu otoi, Ndi ayumbuka woma, ayetawo luhangu. Ndi hunya ashu lu akambu tshe wakamawetsha. . Keli vo waki la pusa efula dia mbete etsha awo tshe kolo.

8 Okone mbata Latuyalaka ati: Nyunkungeli edja, ndu lushi layumunela uku omenyi. Esangweyu kami eli dia motsha wedja, dia dimi motsha wauwelu, La mbatshulwela kele kami, ududu ami tshe, Ne dia kete tshe yayulungula la dja ya kandjema kami.

9 Ku dimi layukadimula eteketa w'antu Dia vo ndjala pudipudi, Dia vo tshe mbeya mbeta lukumbu la Latuyalaka, La mbôtemola l'utema otoi. 10 Atemodi ami uma la wedi w'ekedi wa Etiyopiya, Ona umuntu a wudja ami, wakadiangana, Wayumbela elambu

11 Lushi lako, we, Jerusalema, huyala lu sonyi Dia etsha aye wakayantshelaka kolo, Ne dia dimi layunya akanga w'utaku weli l'atei aye, La we huyala la lahi ntu l'ukungu ami w'ekila. 12 Keli dimi layutshika wudja Weli la lunyangu la wula l'atei aye. Ku vo wayuyanga eshamelu lu lukumbu la Latuyalaka. 13 Atshikadi wa Isariyele hawutsha kolo. Vo hawuta kashi, Kuyanga aui wa lukesu ntanema l'enyoy awo. Vo wayolekaka, wayetamaka, ku nduku lawautsha woma.

14 We ona umuntu a Siona, imbi esambu! Isariyele, uhangohango! We on'a umuntu a Jerusalema, uyali la ongenongeno! Utamanya ngenangena l'utema aye tshe. 15 Latuyalaka akanya dumbwelo diaye. Ndi akatshanya utunyi aye. Khum'ekanga ka Isariyele, Latuyalaka, eko l'atei aye. We huka elanyelu woma ntu. 16 Lushi lako, wayutela Jerusalema vati: Tukaki woma! La Siona vati: Anya aye tawokomoki! 17 Latuyalaka, Unyashungu aye, eko l'atei aye, Ondoshi w'ata, latushanaka elembielo. Ndi ayongenangena utamanya lu dikambu diaye. Ndi ayukulula la ngandji kandi, Ayukongenangena utamanya, imba esambu la diui dia wulu, 18 Uku lu lushi la wuki. Dimi layunya lukulu l'engeno uma le nyu, Ne dia nyu nyutukuyala la tshumu lu dikambu diako. 19 Nyulungi, l'etena kako dimi layendana la waku watunyusuyaka. Dimi layushimbela akanga wa tshumbi, Layusanganya wane

ZEFANIYA

wakatshanyema. Dimi layukadimula sonyi kawo lutumbu la lukumu lu kete tshe. 20 L’etena kako, dimi layunyela leko, Ndu l’etena kako, kayumunyusanganya. Ee, dimi	layunyete lukumbu, La lutumbu l’atei a wedja tshe wa la kete, Lam’ayumunyukaluya engonyi anyu La ntundu k’ashu anyu, mbata Latuyalaka.
--	---
